



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



herriko etxeko plaza, 1 tel. 948 630 005
31780 BERA
NAFARROA

IFK: P 31 25000D

www.bera.eus
bera@bera.eus

2023KO AZAROAREN 21eko BILKURAKO AKTA.

Tokia: Berako Herriko Etxea.
Eguna: 2023-11-21.
Hasiara ordua: 19:30.
Bilkura mota: ohikoa, 1. deia.

BERTARATUAK:

EH BILDU

Ines R. Matxiarena Aldalur
Patxi Castillo Graciarena
Maria Guadalupe Mendigutxia Etxebeste
Jose Esteban Aguirre Zubietta
Adela Arlegi Goienetxe
Francisco Larrechea Lazcano
Estibaliz Pinacho Olaciregui
Angel Pombar Sainz

HERRIRAKO

Jose Antonio Oyarzabal Iribas
Andoni Andueza Intxaurreondo

ALKATEA (Bilkurako buru):
Aitor Elexpuru Egaña

KONTU-HARTZAILEA: Maria Dolores Oyarzabal Zubietta

IDAZKARIA: Miguel Jose Belarra Tellechea, ekintzaren akta jasotzen du.

EZTABAIDATUTAKO GAIK (behar bezala egindako deialdiaren gai-zerrendan sartu zirenak):

1. AURREKO 3 BILKURETAKO AKTEN ONARPENA.

Alkateak galdetu du zinegotziren batek oharren bat egin nahi ote dien deialdiarekin batera bidali ziren aurreko 3 bilkuretako aktei (2023-10-18, 2023-10-30 eta 2023-11-10). Inork ez du azalpenik egin eta **aho batez** onartu dira aktak.

Estibaliz Pinacho bileran sartu da.

2. 2024KO AURREKONTU OROKORRA. HASIERAKO ONESPENA.

Alkateak aurrekontuaren laburpena azaldu du, gastuen zein diru-sarreraren adierazpena eginez eta gauzatu nahi diren erronka nagusiak azalduz.

Jarraian, kontu-hartzaileak informazioa osatu du, Aurrekontu Egonkortasunari buruzko Legearen arau fiskalak aipatuz.

Hainbat aurrekontu-partidari buruz eztabaidatu dute.



SINATZAILEA

Berako Udaleko jarduneko alkatea.
AITOR ELEXPURU EGAÑA
2023/11/22



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/>

10tik 1 orrialdea



SINATZAILEA

Berako idazkaria
MIGUEL JOSÉ BELARRA TELLECHEA
2023/11/22

Gero, idazkariak azaldu du aurrekontuaren espedienteak jarraitzen duen prozedura.

Azkenik, honako erabaki hau hartu dute **aho batez**:

Ikusirik 2024. ekitaldiko aurrekontu orokorraren proiektua, non Udalaren aurrekontua eta "Isidoro Fagoaga" Musika Eskolaren Patronatuarena sartzen baitira, baita Sastrako Kirol Zerbitzuak SL enpresa publikoaren gastuen eta diru-sarreraren aurreikuspenak ere.

Kontu-hartzailearen ahozko txostena eta idazkariaren txosten juridikoa aztertuta, eta Nafarroako Toki Ogasunei buruzko 2/1995 Foru Legearen 201. eta 202. artikuluetan ezarritakoaren arabera, honako hau

ERABAKI DA:

1. Hasierako onespena ematea 2024. ekitaldiko aurrekontu orokorrari eta hura gauzatzeko oinarriari. Honako hau da laburpena:

Udala.

DIRUSARRERAK:

Kapitulua	Izenburua	Zenbatekoa eurotan
I	Zuzeneko zergak	1.444.760,34
II	Zeharkako zergak	100.000,00
III	Tasak, prezio publikoak eta beste diru-sarrera batzuk	429.367,39
IV	Transferentzia arruntak	1.928.372,55
V	Ondare-sarrerak eta aprobetxamenduak	32.008,11
VII	Kapital-transferentziak	1.299.976,10
IX	Finantza-pasiboak	118.758,39
	Dirusarrerak, guztira	5.353.242,88

GASTUAK:

Kapitulua	Izenburua	Zenbatekoa eurotan
I	Langile-gastuak	1.375.215,28
II	Ondasun eta zerbitzuetako gastu arruntak	1.361.415,12
III	Finantza-gastuak	10.420,04
IV	Transferentzia arruntak	790.470,69
VI	Inbertsio errealak	1.758.380,91
VII	Kapital-transferentziak	26.100,00
IX	Finantza-pasiboak	31.240,84
	Gastuak, guztira	5.353.242,88

Musika Eskolaren Patronatua.

DIRUSARRERAK:



SINATZAILEA

Berako Udaleko jarduneko alkatea.
AITOR ELEXPURUJEGANIA
2023/11/22

BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztasunaren egiaztapena eskuragarri dago helbide honetan <https://sedeelectronica.bera.eus/>

10tik 2 orrialdea



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22herriko etxeko plaza, 1 tel. 948 630 005
31780 BERA
NAFARROA

IFK: P 31 25000D

www.bera.eus
bera@bera.eus

Kapitulua	Izenburua	Zenbatekoa eurotan
III	Tasak, prezio publikoak eta beste diru-sarrera batzuk	92.000,00
IV	Transferentzia arruntak	264.341,20
V	Ondare-sarrerak eta aprobetxamenduak	5,00
VII	Kapital-transferentziak	3.000,00
	Dirusarrerak, guztira	359.346,20

GASTUAK:

Kapitulua	Izenburua	Zenbatekoa eurotan
I	Langile-gastuak	326.766,20
II	Ondasun eta zerbitzuetako gastu arruntak	29.520,00
III	Finantza-gastuak	60,00
VI	Inbertsio errealak	3.000,00
	Gastuak, guztira	359.346,20

2. Espedientea jendaurrean jartzea hamabost egun balioduneko epean, alde z aurretik Nafarroako Aldizkari Ofizialean eta udal iragarki-oholean iragarrita, nahi duenak aztertu eta erreklamazioak egin ditzan.

3. Ohartaraztea jendaurreko epealdian erreklamaziorik ez balego, aurrekontua behin betiko onetsizat hartuko dela.

Kontu-hartzailea bileratik atera da.

3. UDALEKO ETA "ISIDORO FAGOAGA" UDAL MUSIKA ESKOLAREN PATRONATUA ERAKUNDE AUTONOMOKO LANGILEEN PLANTILLA ORGANIKOA 2024. URTERAKO. HASIERAKO ONESPENA.

Ikusirik 2024. urteko plantilla organikoaren espedientea, Udaleko eta "Isidoro Fagoaga" Udal Musika Eskolaren Patronatua erakunde autonomoko langileek barnean hartzen dituen.

Idazkariaren txosten juridikoa eta kontu-hartzailearen txostena kontuan hartuta.

Kontuan izanik aplikagarria den araubide hau: Nafarroako Toki Administrazioiko 6/1990 Foru Legearen 235. artikulua; Nafarroako Toki Ogasunei buruzko 2/1995 Foru Legearen 201. eta 202. artikulua; 251/1993 Foru Dekretu Legegilearen (Nafarroako Administrazio Publikoen zerbitzuko Langileriaren Estatutuaren Testu Birbildua) 19. eta 20. artikulua; Euskarari buruzko 18/1986 Foru legearen 15.2 artikulua; 103/2017 Foru Dekretuaren 22. eta 28. artikulua (euskararen erabilera arautzen du Nafarroako administrazio publikoetan, beren erakunde publikoetan eta menpeko dituzten zuzenbide publikoko entitateetan),

aho batez ERABAKI DA:



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztasunaren egiaztapena eskuragarri dago helbide honetan <https://sedeelectronica.bera.eus/>

10tik 3 orrialdea



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



SINATZAILEA

Berako Udaleko Jarduneko Alkatea.
AITOR ELENBURU FEGANA
2023/11/22

1. Hasierako onespena ematea Udaleko eta "Isidoro Fagoaga" Udal Musika Eskolaren Patronatua erakunde autonomoko langileen 2024rako plantilla organikoari, espedienteen jasotako edukiarekin. Euskara jakitea nahitaezkoa izanen da organismo autonomo eta Udaleko edozein lanpostu eskuratzeko, funtzionarioenak zein kontratatuenak, finkoak edo aldi batekoak; lanpostu guztiei esleituko zaie Bortzirietako Euskara Mankomunitateak plantilla organikoetako lanpostuen hizkuntza eskakizunei buruz egindako txostena aplikatzearen ondoriozko euskara maila.

2. Jendaurrean jartzea espedientea 15 eguneko aldian, Nafarroako Aldizkari Ofizialean eta udal iragarki-taulan iragarrita, nahi duenak aztertu eta erreklamazioak aurkez ditzan.

3. Ohartaraztea jendaurreko epealdian erreklamaziorik ez balego, plantilla behin betiko onetsizat hartuko dela eta haren laburpena argitaratuko dela.

4. UDAL-ZERGEN ZERGA-TASAK 2024KO EKITALDIRAKO.

Kontu-hartzaileak adierazi du tartea dagoela legearen barruan %2 igotzeko udal zerga batzuen tasa.

Gero, espedienteak jarraitu beharreko prozedurari buruzko aipamena egin du idazkariak.

Jarraian, ondoko erabaki hau hartu da:

Kontu-hartzaileak eta idazkaritzak egindako txostenak ikusirik, eta kontuan izanik Nafarroako Toki Ogasunei buruzko 2/1995 Foru Legearen 64. artikulua araberan, udal zergen zerga-tasen aldaketak onetsi behar direla ondorioak izango dituzten urtea hasi baino lehen,

aho batez ERABAKI DA:

1. Zerga-tasa hauek onestea 2024rako:

- Lurraldeko kontribuzioa, %0,26.
- Izaera urbanoko terrenoen balio gehikuntzaren gaineko zerga, %19,52. Gehikuntza errealdaren zenbatekoa finkatzeko, Nafarroako Toki Ogasunei buruzko Foru Legearen 175. artikuluan agertzen diren gehieneko koefizienteak aplikatuko dira.
- Eraikuntzen, instalazioen eta obren gaineko zerga, %5ean mantendu.
- Jarduera ekonomikoen gaineko zerga, 1,40 indizea mantendu.

2. Erabaki hau argitaratzea Nafarroako Aldizkari Ofizialean eta udal iragarki-taulan.

5. TASA ETA PREZIO PUBLIKOEN TARIFAK 2024KO EKITALDIRAKO. HASIERAKO ONESPENA.

Tasak eta prezio publikoak %2 batean igotzea proposatu da, hirigintza-izapideak egiteagatik tasak izan ezik, horiek indarrean dauden zenbatekoetan mantentzen baitira.

Idazkariak espedienteak jarraitu beharreko prozedurari buruzko aipamena egin du eta ohartarazi du Musika Eskolako tarifen sistema ez datorrela bat Nafarroako Toki Administrazioako 6/1990 Foru Legearen 189. artikuluan eta Toki Korporazioen Zerbitzuen Erregelamenduko — 1955eko ekainaren 17ko Dekretua— 150. artikuluan xedatutakoarekin.

Jarraian, ondoko erabaki hau hartu da:



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/>

10tik 4 orrialdea



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



herriko etxeko plaza, 1 tel. 948 630 005
31780 BERA
NAFARROA

IFK: P 31 25000D

www.bera.eus
bera@bera.eus

Ikusirik:

- Tasa eta prezio publikoen tarifak 2024rako aldatzeko espedientea.
- Kontu-hartzaileak eta idazkaritzak emandako txostenak.
- Gai baten alderdi partzialen arauketa izanik, egin gabe utz daitekeela Administrazio Publikoen Administrazio Prozedura Erkidearen 39/2015 Legeko 133.1 artikulua arautzen duen aurretiko kontsulta publikoa.

Kontuan izanik Nafarroako Toki Administrazioko 6/1990 Foru Legearen 325. artikulua eta Toki Ogasunei buruzko 2/1995 Foru Legearen 13. artikulua xedatzen dutena,

aho batez ERABAKI DA:

1. Hasiera batean onestea honako prezio publiko eta tasen tarifen aldaketa 2024. ekitaldirako, espedientean ageri den edukiarekin (%2ko igoera):

- Bide publikoko lurpea, hegalkina eta lurzorua aprobetxamendu bereziengatiko tasak.
- Agiriak tramitatu eta luzatzeagatiko tasak.
- Udal kirol instalazioak erabiltzeagatiko tasak.
- Jarduera zein irekitze baimenengatiko tasak.
- Animalia arriskutsuak eta bestelakoak edukitzeagatiko tasak.
- Musika Eskolako tasak.
- Saneamendu eta ur-hornidurarengatiko tasak.

2. Erabaki hau jendurrean jartzea 30 eguneko epealdian, Nafarroako Aldizkari Ofizialean eta udal iragarki-taulan iragarri ostean, herritarrek eta bidezko interesa dutenek espedientea aztertu eta erreklamazio, kexa edo oharra aurkez ditzaten.

3. Ohartaraztea hasierako onespén hau behin betikoan bilakatuko dela, baldin eta erreklamazio, kexa edo oharrik aurkezten ez bada. Kasu horretan, ondorio juridikoak sortzeko, Nafarroako Aldizkari Ofizialean argitaratuko da gertaera hori, behin betiko testuarekin batera, eta argitaratze datan hartuko du indarra.

4. Nafarroako Gobernuaren Ordenantza Fiskalen Erregistrora bidaltzea aldaketa hauek, behin betiko onespén gauzatu ondoren.

6. 10. POLIGONOKO 150. PARTZELAKO XEHETASUN-AZTERKETA. BEHIN BETIKO ONESPENA.

Ikusirik:

- 10. poligonoko 150. partzelako (Eztegara pasealekua, 22) xehetasun-azterketa, etxebizitzaren energia-eraginkortasuna hobetzea xede, fatxadaren antolamendua arautuz balkoiak itxi ahal izateko. Sustatazailea Comunidad de Propietarios Eztegara pasealekua 22 da. Dokumentua Ander Rodriguez Korta arkitektoak idatzi zuen.



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/>

10tik 5 orrialdea



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



SINATZAILEA

Berako Udaleko Jarduneko Alkatea.
AITOR ELEXPURU EGAÑA
2023/11/22

- Nasuvinsako arkitektoak, Udaleko aholkulariak, 2023ko irailaren 4an egindako txostena, zeinak xehetasun azterlanari hasierako onespena ematearen aldeko iritzia eman baitzuen, behin betiko onartu aurretik dokumentazio gehigarria aurkezteko eskatuz.

- Udal idazkariak 2023ko irailaren 12an egindako txosten juridikoa.

Kontuan izanda:

- Agiria hasiera batean onartu zela irailaren 20ko 282/2023 Alkatetzaren Ebazpenaren bidez.

- Espedientea jendaurrean jarri zela, iragarkiak argitaratuz NAOn, prentsan eta iragarki oholean.

- Espedientea jendaurrean egon zen epealdian ez zela alegaziorik aurkeztu.

- Sustatzaileak aurkeztu zuela xehetasun azterlanaren eranskin bat Nafarroako Planeamenduaren Erregistroa eta Nafarroako hirigintza eta lurralde plangintzarako tresnak aurkezteko formatua arautzen dituen urriaren 16ko 253/2019 Foru Dekretuaren 9.2 c) artikulua eskatzen duen informazio geografiko bektorialarekin.

Lurraldearen Antolamenduari eta Hirigintzari buruzko Foru Legearen testu bategina onesten duen 1/2017 Legegintzako Foru Dekretuaren 63., 72. eta 74. artikuluekin bat etorritik,

aho batez ERABAKI DA:

1. Behin betiko onespena ematea 10. poligonoko 150. partzelako (Eztegara pasealekua, 22) xehetasun-azterketari.

2. Behin betiko onespene hau argitaratzea Nafarroako Aldizkari Ofizialean.

3. Hirigintza-izapideak egiteagatik tasak likidatzea, Ordenantza fiskal arautzailearen arabera.

4. Erabaki hau jakinaraztea sustatzaileari.

5. Erabaki hau helaraztea Nafarroako Gobernuak Lurralde Antolamenduko Zuzendaritza Nagusiarik, onartutako agiriarekin eta emandako txosten teknikoekin batera, gehienez ere 10 eguneko epean.

7. OIHAN ENKANTEA NAFARROAKO ONURA PUBLIKOKO MENDIEN KATALOGOKO 638 ETA 639 ZENBAKIKO MENDI KOMUNALETAN, "USATEGIETA", "OTSANDA", "IRUNSORO" ETA "IBARDIN" PARAJEAK.

Ikusirik Nafarroako Onura Publikoko Mendi Katalogoko 638 eta 639 zenbakietako mendietan lote honen oihan-aprobetxamendua egiteko espedientea:

* LOTE BAKARRA.

- Parajeak: Usategieta, Otsanda, Irunso, Ibardin.

- Espezieak: P. nigra (larizio), p. strobilus (strobilus), l. kaempferi (alartze).

- Ondoak: 2.376.

- Zuraren bolumena: 959,94 m³.



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/>

10tik 6 orrialdea



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



SINATZAILEA

Berako Udaleko Jarduneko Alkatea.
AITOR ELEXPURU EGAÑA
2023/11/22

- Egur txiki/egur bolumena: 391,64 m3.
- Bolumena, guztira: 1.351,58 m3.
- Balorazioa, 30.011,34 €.

Kontuan hartuta Baso eta Ehiza Zerbitzuko zuzendariaren irailaren 29ko 193/2023 Ebazpenaren bidez baimendu zela aipatutako baso-aprobetxamendua.

Azaldutakoan oinarrituta, eta Nafarroako Toki Administrazioari buruzko 6/1990 Foru Legearen 166.1 artikuluan, Nafarroako toki araubidea eguneratzeko 11/2004 Foru Legearen Bosgarren Xedapen Gehigarrian, eta Kontratu Publikoei buruzko 2/2018 Foru Legearen 88. artikuluan xedatutakoaren arabera,

aho batez ERABAKI DA:

1. Basoko lotearen aprobetxamendua enkante publiko bidez saltzea, gutun-azal itxiko prozeduraren bidez.
2. Esleipena arautuko duen baldintza ekonomiko-administratiboen plegua onestea.
3. Enkante honen iragarkia argitaratzea Nafarroako Kontratazio Atarian, Foru Komunitatean argitaratzen diren egunkarietako batean edo gehiagotan, Udaletxeko iragarki-oholean eta udalaren webgunean.
4. Enkantea hutsik geratzen bada, atera bigarren eta hirugarren enkanteetan, %10eko eta %20ko beherapenarekin, hurrenez hurren.

8. 2023KO AZAROAREN 25EKO ADIERAZPEN INSTITUZIONALA.

Alkateak aurkeztu ondoren, **aho batez ONETSI DA** adierazpen instituzional hau:

AZAROAREN 25eko ADIERAZPEN INSTITUZIONALA. Ikusi duzu? Geldi ezazu!

Duela 24 urte Nazio Batuen Batzarrak azaroaren 25a Emakumeen aurkako edozein indarkeria mota desagerrarazteko nazioarteko Eguna deklaratu zuen eta gaur, beste behin, indarkeria horren egiturazko izaera agerian jartzea beharrezkoa da. Indarkeria fisikoa, psikikoa, ekonomikoa, sexuala, feminizidioa, salerosketa, sexu-esplotazioa, mutilazio genitala, behartuta edo oso gaztetan egindako ezkontzak emakume eta neskek pairatzen duten indarkerien agerpen batzuk besterik ez dira. Giza eskubideen urraketa argia da, kausak sistema patriarkalean oinarritzen dituen, desberdintasunak betikitzen dituen eta mekanismo eta praktika sozial eta kulturalen bidez erreproduzitzen den botere egitura batean oinarritzen dena, emakumeen aurkako indarkeria ahalbidetuz eta normalizatuz.

2003tik, Espainian erregistro ofizialak daudenetik, bikotekideek edo bikotekide ohiek 1.236 emakume erail dituzte, 2,8 milioi neskek eta emakumek pairatu dute sexu-indarkeria bizitzako uneraren batean, sexu-askatasunaren aurkako delituen biktimen % 84 emakumeak dira eta sexu-indarkeriako delitu horien arduradunak gizonak dira % 96an. Estatuko Fiskaltza Nagusiaren datuen arabera, Nafarroan 2022an % 25 gehiago izan ziren sexu-askatasunaren aurkako auziak, eta % 94 gehiago sexu-erasoak. Era berean, 16 urtetik beherakoen aurkako sexu-erasoak % 166 igo ziren,





SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



SINATZAILEA

Berako Udaleko Jarduneko Alkatea.
AITOR ELEXPURU EGAÑA
2023/11/22

aurreko urtearekin alderatuta.

Zifra horiek adierazten dute emakumeen aurkako indarkeria, eta zehazki sexu-indarkeria, gure gizarteko arlo guztietan dagoela, eta badakigu askotan ez direla salatzen eraso horiek. Indarkeria hori bikote-harremanetan, etxean, eremu digitaletan, kirolean, politikan, komunikabideetan, lan-esparruan, elkarteetan, aisialdiko guneetan, kaleetan... agertzen da, eta oinarri ditu, besteak beste jarrera matxisten normalizazioa, diskurtso negazionistak eta gizonen konplizitate edo axolagabekeria. Horiek denak emakumeen eta gizonen arteko berdintasuna erdiesteko feminismoak lortutako aurrerapenekiko erresistentziak dira.

Emakumeen aurkako indarkeria jokamolde askoren normalizazioaren bidez betikotzen da. Egunero ikusi eta entzuten ditugu honelako komentarioetan: “orain ligatzeko kontratu bat sinatu behar da”, “muxu bat besterik ez zen izan, ez da hainbesterako!”, “ezin zaizue ezer ere esan, dena da iraingarria zuendako!”, etab. Horiek indarkeriarekin konplizeak diren diskurtso negazionisten adibide batzuk besterik ez dira, eta berdintasun erreala eraginkorra erdiesteko lanean jarraitzeko galdegiten digute, gizonen zeregin horretan duten inplikazioari bereziki eta zuzenean dei eginez. Beharrezkoa da denok konpromiso aktiboa hartzea, matxismoa betikotzen duten jokamolde normalizatuak, norberarenak edo besteenak, identifikatuz eta desagerraraziz. Bereziki saihestezina da gizonen aurrerapauso bat ematea eta egoera horiek betikotzen dituen konplizitatearekin amaitzea.

Horregatik guztiatik, adierazpen hau bultzatzen dugun Tokiko Entitateek honako hau adierazten dugu:

- Gure arbuioa emakumeen aurkako indarkeria-mota orekiko, edozein arlo eta testuingurutan.
- Gure konpromisoa, Administrazio Publiko garen aldetik, emakumeen eta gizonen arteko ezberdintasunak desagerrarazteko lanean jarraitzeko, bai eta tokiko entitateen agenda politikoan emakume eta neskatuen indarkeriarik gabeko bizitza bizitzeko eskubidea bermatzen duten neurriak txertatzeko ere, emakumeen kolektiboekin eta kolektibo feministekin eta herritarrekin elkarlanean.
- Gure ardura, emakumeen aurkako indarkeriaren aurrean koordinatuta jokatzeko tokiko protokoloak bermatzeko, sentsibilizazioaren, prebentzioaren, arretaren, esku-hartzearen eta erreparazioaren arloetan lan iraunkorra eginez.
- Gure konpromisoa erasotutako edo eraildako emakume eta neskatuekin, baita horien seme-alabekin ere, sexu-indarkeriari aurre egin behar izan baitiete.
- Gure interpelazio zuzena adin guztietako gizonen, konpromisoak har ditzaten eta emakumeen aurkako indarkeria mota guztien aurka aktiboki ager daitezten.
- Gure deia eta aitorpena herritarrei, emakumeen aurkako indarkeria desagerrarazteko bidean haien arbuioa eta konpromisoa adierazten jarrai dezaten, indarkeria horren agerpen guztiak salatzen, haren oinarri diren eta emakumeen eta nesken bizitza eta askatasuna baldintzatzen duten jarrerak agertaraziz eta herritarrek gonbidatzea azaroaren 25aren inguruan antolatzen diren jarduerak guztietan parte hartzea.



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/>

10tik 8 orrialdea



SINATZAILEA

Berako Idazkaria
MIGUEL JOSÉ BELARRA TELLECHEA
2023/11/22



herriko etxeko plaza, 1 tel. 948 630 005
31780 BERA
NAFARROA

IFK: P 31 25000D

www.bera.eus
bera@bera.eus

9. MOZIOA: PALESTINAREN GAINEKO SETIOA.

Alkateak mozioaren edukia aurkeztu du.

Gaia eztabaidatu ondoren, eta akordioaren 1. puntua Herrirako taldearen proposamenez birformulatu ondoren, **aho batez** ONETSI DA honako mozio hau:

Palestinatar erresistentziak urriaren 7an egindako erasoaz geroztik, Israelgo indar armatuak orain arte ere etengabea zen Palestinarren aurkako jazarpena handitu dute, Gazan gogorren, baina Palestina osoan.

Israelek hildakoen kopuruak goiti egiten jarraitzen du etengabe, eta Israelek proklamatu duen erabateko gerra-deklarazioak eta bere gobernuak iragarritako oinarriko horniduren blokeoak muturreko zaurgarritasun-egoeran utzi ditu Gazako herritarrak. Azken hauek hainbat hamarkada daramatzate setiopean, Israelek palestinarren lurak legez kanpo okupatzearen ondorioz.

UNRWak (Palestinako errefuxiatuentzako Nazio Batuen Agentzia) baieztatzen duen bezala, Gazan ikusten ari den suntsipen mailak ez du aurrekaririk, animaleko giza tragedia da. Nazio Batuek proportzio epikoko hondamendi humanitario gisa deskribatu dute. Hildakoen kopuruak gora egiten jarraitzen du, modu ikaragarrian. Milaka heriotza zenbatu dira, horietatik aunitz zibilak, eta tartean milaka haur.

Milioi bat pertsona, Gazako biztanleriaren erdia, Gazako iparraldetik hegoaldera desplazatuak izan dira. Hala ere, hegoaldea ez da bonbardaketetatik libratu, eraso kopuru handi bat izan baita. Ez dago toki segururik Gazan.

Arestian aipatutako guztiagatik, Berako Udalak:

1. Irmo arbuiatzen du biztanleria zibilaren aurkako eraso oro —edozein aldetatik etorrita ere—, eta elkartasuna adierazten die biktima guztiei eta haien hurbilekoei. Kolektibo ahulenetako kide diren biktimak.
2. Eskatzen du Gazako Lerroaren eta Palestinako lurralde guztien gaineko setioa eta bonbardaketak gelditzea, bai eta laguntza humanitarioa sartzan dela bermatzea eta korridore humanitarioak bermatzea.
3. Uste du bake justu eta iraunkorrak herri palestinarraren aurkako okupazioa amaitzea eskatzen duela.
4. Premiazkotzat jotzen du elkarrizketa-prozesu bat abian jartzeko beharrezkoak diren neurri guztiak babestea, bake-egoera justu, egonkor eta iraunkorra lortzeko, okupazioaren amaiera eta Palestinako herriak autodeterminaziorako duen eskubidea bermatuz. Hori guztia Nazioarteko Zuzenbidean eta NBEn ebazpenak betetzean oinarrituta.
5. Eskatzen dio Nafarroako Gobernuari lurralde palestinarraren diharduten instituzio eta erakunde ezberdinekin lanean jarraitzeko eta indarrean dauden lankidetzak proiektuei eusteko. Halaber, Palestinako herriari laguntza humanitarioa bermatzeko erreferentziazko UNRWA agentzia ere babesten du.



SINATZAILEA

Berako Udaleko jarduneko alkatea.
AITOR ELENBURU EGANA
2023/11/22



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/>

10tik 9 orrialdea



SINATZAILEA

Berako idazkaria
MIGUEL JOSÉ BELARRA TELLECHEA
2023/11/22



SINATZAILEA

Berako Udaleko jarduneko alkatea.
AITOR ELEXPURU EGAÑA
2023/11/22

6. Eskatzen dio Nafarroako Gobernuari Israelekin dituen harreman diplomatiko, ekonomiko, akademiko edo ezein kolaborazio alde batera utzi ditzala.

7. Dei egiten die beratarrei Israeli boikota egiteko nazioarteko mugimenduarekin bat egin dezaten. Dei egiten die ere, Palestinari elkartasuna adierazteko ekimenetan parte har dezaten.

10. BANDOAK ETA ALKATETZAREN EBAZPENAK.

Honako bando eta Alkatezaren ebazpen hauen jakinaren gainean geratu dira:

- Bandoak: B20/2023 zenbakidunetik B24/2023 zenbakidunera.

- Ebazpenak: 300/2023 zenbakiko ebazpenetik (2023-10-13) 348/2023 zenbakiko ebazpenera arte (2023-11-16).

11. ESKAERAK ETA GALDERAK. GAINERAKO UDAL ORGANOEEN KONTROLA.

Ez dira izan.

Beste aztergairik izan gabe, 21:10ak direnean, alkateak bilera bukatutzat eman du, eta nik, neronek, idazkaria naizenez, ziurtatzen dut.

Sinadura digitalak. Idazkaria eta alkatea.



BERA

Egiaztapen-aseguru kodea: 3AAA AWH3 2D7N UPQ3 KWKV

AKTA 2023-11-21 EU (OSOKO BILKURA) - SEFYCU 22742

Dokumentu honen eta beste informazio baten egiaztotasunaren egiaztapena eskuragarri dago helbide honetan <https://sedeelectronica.bera.eus/> 10tik 10 orrialdea